


छवआ मन केर बाइबिल प्रस्तुत

जेखन ईश्वर सोभ जीनिस के बनालक



लिखेख वाला: Edward Hughes
उधारण देवे वाला: Byron Unger; Lazarus

अर्थ बताएक वाला: Anugrah Stosh Kindo
उपाय करे वाला: Bob Davies; Tammy S.

Story 1 of 60

www.M1914.org


Bible for Children, PO Box 3, Winnipeg, MB R3C 2G1 Canada

अनुमति: तॉय इके छाईप सकिसला और दुसर भी बनाएक सकिसला मागुर वेईच नी सकिसला ।

सादरी


Sadri

के हमीन के बनालक? बाइबिल और ईश्वर केर वचन
बतायला की कनियर मनोवा कुटुम कर जनम होलक ।
ढेरी साल आगे ईश्वर सोभ से आगे मनोवा के बनालक
और उकर नाम आदम रखलक ।



1

ईश्वर आदम के ई धरती केर माट्टी से बनालक, जेखन ईश्वर
आदम केर भीतरे जिन्दा करेक आत्मा के डाललक ओहे बेरा
ऊ जिन्दा होई गेलक । उ अपने के सुंदर बागीचा में पालक
जेके अदन बगीचा कहेना ।




2

आदम के बनायेक से आगे ईश्वर कतई सुंदर धरती जमीन और उकर में रहे वाला अदभुत जीनिस के बनालक । गोटेक बदे गोटेक ईश्वर पहाड़ी ठावं और गाँछ रहित हरियर ठावं, सुगन्धित फुला और लाम्बा लाम्बा गाँछ, चमकेक डैना वाला चराई और भिन्भिनायेक वाला भौरा,



3

सोब से सुरवात में, इकर से आगे की ईश्वर कोनो जीनिस के बनालक, हुवां कोनो नी रहलक । ना मनोवा ना ठावं ना कोनो जीनिस । कुछो नी रहलाक । ना इजोत ना अंधार । ना उपरे ना निचे । ना गेलक दिना ना अवेक दिना । हुंवा ईश्वर एकला रहलक, जेकर सुरवात नखे । उकर बदे ईश्वर कोनो धधा करलक । सुरवात में, ईश्वर आकाश और धरती के बनालक ।




4

और धरती सुनसान और उबड़ खाबड़ पडल राहे । और गहिरा पनी अंधकार केर उपरे रेहे । उकार बदे ईश्वर कहलक ई ठावं इन्जोत होई जा ।




5

और इन्जोत होई गेलक । ईश्वर इन्जोत के दिना काहलक और अंधार के राईत कहलक । और साँझ होलक उकार बदे बिहान होलक । ई पहिला दिना रहलक ।




6

दुसर दिना के, ईश्वर महासागर केर पनी के आकाश केर नौचे समुंदर और झील केर रूप में कईर देलक । तिसर दिना, ईश्वर कहलक, "सुखाल ठावं दिसक लग ।" और ई होई गेलक ।



7

ईश्वर ई भी आदेश देलक की घांस और फुला और झुंड झाड़ और गाँछ मन दिसक लग और दिखैक लगलक । और साँझ होलक उकार बदे बिहान होलक । ई तीसर दिना रहलक ।




8

उकर बदे ईश्वर सुरुज के
बनालक, और चंदामामा और ढेरी
तारागन, जेके की केहो गिनेक
नी परबएं । और साँझ होलक
उकार बदे बिहान होलक । ई
चोथा दिना रहलक ।




9

समुंदर केर जिव जंतु
और मछरी और चराई
ईश्वर केर आगे सूचि में
रहलक । पांचवा दिना
ईश्वर बड़का तलवार
नियर मछरी और
छोटका मछरी, लम्बा
गोड़ वाला शतुरमुर्ग और
बेस गुनगुनायेक वाला
चराई के बनालक ।




10

ईश्वर सोभे रकम केर
मछरी से धरती केर
पनी के भोईर देलक,
और सोभ रकम केर
चराई केर खुशी
लगिन जमीन और
समुंदर और आकाश
के बनालक । और
साँझ होलक उकार
बदे बिहान होलक ।
ई पांचवा दिना
रहलक ।




11

उकर बदे, ईश्वर और एक धौं कहलक । उ कहलक "ई धरती
में जिन्दा जीव जंतु होई जा ।" सोभ रकम केर जनवर और
कीड़ा और रंगेक वाला आय जा । हुंवा धरती हिलयेक वाला
हाथी और हिने हुने जाएक वाला उदबिलन रहलक । सरारिती
बांद्रा और बेस नौ दिखेक वाला मगरमच्छ । हिलेक डुलेक
वाला जोंक और निर्लज गिलहरी । सोभ रकम केर जनवर उ
दिना ईश्वर बनालक । और साँझ होलक उकार बदे बिहान
होलक । ई छटवां दिना रहलक ।




12

छटवां दिना ईश्वर गोटेक आलागे जीनिस
बनालक-गोटेक बहुते खास । एखन सोभ जीनिस मनोवा
लागिन तैयर रहलक । हुंवा खेत में खाएक लागिन अन्न
और उके संगे देवेक ले जनवर
केर मांस आहे ।




13

और ईश्वर कहलाक, अब मनोवा के अपन सरूप लेके बनाबूं
। अब मनोवा के धरती केर सोभ जीनिस कर स्वामी होवेक
दे । सेकर ले ईश्वर मनोवा के अपन रूप लेखे बनालक ।
ईश्वर केर जइसन रूप में
उ उके बनालक ।



14

ईश्वर आदम के कहलक । जे भी तोयं पसंद करिस ला, बगीचा केर सोभ जीनिस तोयं खाय सकिसला । लेकिन बेस और बेकार कर ज्ञान वाला गाँछ केर फल नी खाबे । जदी तोयं उ गाँछ से खाबे तो तौय सचे कर मोड़र जबे ।



15

और ईश्वर स्वामी कहलक । “ई बेस नी आहे की मनोवा एकला रेही । मोयं उकर ले एगो संगी बनाबों ।” ईश्वर सोभे चराई और जंगल केर जनवर के अदम ठिना लानलक । और आदम सोभ केर नाम रखलक । उ ई सोभ काम के बड़ी चतराई से करलक । सेहों में, सोभ चराई और जंगली जनवर केर बीचे केहों उकर ले बेस संगी नी भेटालएँ ।



16

ईश्वर आदम के बड़ी गहिरा नींद में डाईल देलक । ईश्वर निंदाल मनोवा केर पंजरा के निकलयके जनी के बनालक । जे जनी के ईश्वर बनालक उ एकदम से आदम केर सही संगी होइ गेलक ।



17

ईश्वर छटवां दिना सोभ जीनिस के बनालक । उकर बदे ईश्वर सातवाँ दिना के आशीष करलक और ईके आराम कर दिना बनालक । अदन बगीचा में, आदम और उकर घारावनी हवा पूरा पूरा खुश, आज्ञाकारी राहें । ईश्वर उ मन के स्वामी, उपाय कराईयाऔर संगी रहलक ।



18

जेखन ईश्वर सोभ जीनिस के बनालक
बाइबिल इश्वर केर वचन कर कथा हेके
ई हमीन के मिलेला

उत्पति 1-2

“तोर सुरवाती बतिया इंजोत कर कम करेला.”
भजन संहिता 119:130

ईश्वर जानेला की हमीन गलत काम कईर ही,
जेके उ पाप कहेला । पपा कर मजदूरी तो मोरेक हेके ।

ईश्वर हमीन के बहुते प्रेम करेला, उ अपन बेटा के भेजलक
“यीशु” की हमीन केर पाप खातिर कुरुस उपरे मोरी । यीशु
जिन्दा होई गेलक ! एखन ईश्वर हमीन कर पाप के
क्षमा कईर सकेला ।

यदी तौय अपन पाप से घुईर आवेक चाहिला, तो ईके तौय
ईश्वर से बोल । मौय पतियोवना की यीशु मोर खातिर मोरलाक
और और एखन तौय फिर से जीन्दा होइजा हीस । दया कईर के
मोर जीवन में आव और मोर पाप के क्षमा कईर दे, ताकी मौय
अब से नवा जीवन जीबुं, और एक दिना जिन्दगी भईर ले तोर
संगे रहबुं । मोके मदइत कर ताकि मौय तोर छउवा
बाईन के जीवन जियेले । आमीन ।

रोईज दिना बाइबिल पाढ़ और ईश्वर संगे बतियोओ ।